


8N1-1-046



KANTIK

EN HENOR DA

ITRON VARIA-AR-PORZOU



Kemper, moulllet e ti de Kerangal.

1.  
Salud d'eoç'h, Mari, rouanez  
Euz an env hag an douar !  
Salud deoc'h, mamm a drugarez !  
A greiz kalon ni lavar :

**Diskan :**

Itron Vâria-ar-**Porzou**  
Klevit mouez ho pugale :  
Hed hor buez en hor poaniou,  
Hon diouallit noz ha de.

2.  
Choazet a bep éternite,  
Da veza mam da Jesus ;  
Lezet oc'h da vam deomp ive ;  
C'houi hon rento oll eüruz.

3.  
Lec'hiou santel a zo merket  
Da henori ar Verc'hez :  
Eno e skuil varnomp bepret  
Tenzoriou he madelez.

4.  
Chapel ar **Porzou** zo brudet,  
Dre ar burzudou dispar  
A ra ar Verc'hez benniguet  
En andret an nep he c'har.

5.  
Evit dont d'ar **Castelnevez**,  
Pelerinet, gant guir feiz,  
Da henori guir vam Doue,  
A dreuz pevar c'horn Breiz.

6.  
A leiz an henchou ho gueler  
O c'herruout a bell bras  
En eur bedi daoust d'ho skuisder,  
Daoubleget var ho fenn bas.

7.  
Darn a deu d'he zrugarekat  
Euz ar grasou ho deuz bet ;  
Darn all a c'houlen eur mennad ;  
An oll a ve selaouet.

8.  
Evidomp-ni oll Bretonnet  
A lavar a vouez huel :  
Ken evit mankout d'ho karet,  
Ni vo guell ganomp mervel.

9.  
Dirag hoc'h imach benniguet,  
Er **Porzou** ni a bedo ;  
Pa vimp tentet pe glac'haret,  
Gant fians ni a gano :

**Diskan :**

Itron **Varia-ar-**Porzou****  
Klevit mouez ho pugale :  
Hed hor buez en hor poaniou,  
Hon diouallit noz ha de.

IMPRIMATUR :

Quimper, le 26 Août 1902.

Em. FLEITER, vic. gén.